

Sa bidda de Santu 'Asili in su tempus colau



Unas cantas fontes literàrias narant chi is primos habitantes de Santu 'Asili sunt istados is cumponentes de una famiglia de unu pastore mutidu Virdano o Birdano, nùmene chi agatamus in una carta antiga meda. In su 1119 su giùighe Torgotorio de Casteddu faghet donu de s'Incontrada de Trecenta a su figiu Salusio de Làconi e su bidditzolu de Santu 'Asili est mentovadu in s'àutu de lassa in ue cumparent is sighentes datos: sa bidda fiat formada dae 525 domos ispainadas, cun caminos tortigiados e prenos de ludu in is perìodos proinosos. Su territòriu est belle totu

montagninu, cun tretos impreados pro ddos cortivare e àteros pro su pastoriu. Su logu fiat erraticu de matas de èlighe e ortigu chi fruniant linna pro si caentare e pro còere; is abitantes nde traiant profetu bendende·lu in is biddas de sa Trecenta bisongiosos meda de linna. Is ogiastros beniantinsertosi pro favorire sa produtzione de is olia chi paris a su frutu de sa modditzi, produiant s'ògiu pro sa provista. Diferentes fiant is putzos de abba chi non si podiat bufare, cudda potàbile beniat boddida dae Calamata, pagu a tesu dae sa bidda. S'abba mègius fiat sa de sa funtana de Is mizisceddas, abba bufada prus che totu dae is famìlias prus chi istant bene.